



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry for Education

**OTPREMLJENO**

09-12-2022

*[Signature]*  
**potpis**

Broj: 11-03/02-30-42899-2/22  
Sarajevo, 7.12.2022. godine

Na osnovu člana 94. stav (8) Zakona o osnovnom odgoju i obrazovanju („Službene novine Kantona Sarajevo“, br. 23/17, 33/17, 30/19, 34/20 i 33/21) i člana 14. stav (3) Pravilnika o izboru, nadležnostima i načinu rada školskih odbora osnovnih škola Kantona Sarajevo („Službene novine Kantona Sarajevo“, broj 35/17), a u vezi sa čl. 5. i 6. Pravilnika o izboru, imenovanju i razrješenju direktora osnovnih škola Kantona Sarajevo („Službene novine Kantona Sarajevo br. 2/18, 32/18 i 30/19) ministrica za odgoj i obrazovanja d o n o s i

## **O D L U K U**

- 1. Poništava se** Odluka Školskog odbora Javne ustanove Osnovna škola „ŠIP“, broj 2412/22, od 2.12.2022. godine, o poništenju javnog konkursa za izbor direktora/direktorice JU OŠ „ŠIP“ Sarajevo na period od četiri godine.
- 2. Nalaže se** Školskom odboru Javne ustanove Osnovna škola „ŠIP“ da ponovi proceduru izbora direktora od strane vijeća roditelja i proceduru izbora direktora od strane radnika škole u skladu sa članovima 5. i 6. Pravilnika o izboru, imenovanju i razrješenju direktora osnovnih škola Kantona Sarajevo („Službene novine Kantona Sarajevo br. 2/18, 32/18 i 30/19), u roku od 7 (sedam) dana od dana prijema ove odluke.
- 3. Nalaže se** Školskom odboru Javne ustanove Osnovna škola „ŠIP“ da Ministarstvu za odgoj i obrazovanje Kantona Sarajevo dostavi zahtjev za pisani prijedlog ministricе za kandidata za direktora, u roku od 7 (sedam) dana od dana prijema ove odluke.
- 4. Ova odluka** stupa na snagu danom donošenja i objavit će se u dnevnom listu „Dnevni avaz“ i na web stranici Ministarstva za odgoj i obrazovanje Kantona Sarajevo.

## **Obrazloženje**

Ministarstvu za odgoj i obrazovanje Kantona Sarajevo dostavljena je Odluka Školskog odbora Javne ustanove Osnovna škola „ŠIP“, broj 2412/22, od 2.12.2022. godine, o poništenju javnog konkursa za izbor direktora/direktorice JU OŠ „ŠIP“ Sarajevo na period od četiri godine, koja formalno pravno nije valjana, odnosno nije u skladu sa članom 204. Zakona o upravnom postupku („Službene novine F BiH br. 2/98, 48/99 i 61/22).

Osim navedenog manjkavosti u proceduri izbora direktora/direktorice od strane radnika i roditelja su otklonjive bez poništavanja javnog konkursa, što je u skladu sa članom 11. Zakona o upravnom postupku („Službene novine F BiH br. 2/98, 48/99 i 61/22).



Pravilnik o izboru, imenovanju i razrješenju direktora osnovnih škola Kantona Sarajevo („Službene novine Kantona Sarajevo br. 2/18, 32/18 i 30/19), u članu 8. stav (6) propisuje u kojem se slučaju poništava konkurs za izbor direktora/direktorice škole, koje okolnosti nisu nastupile u konkretnom slučaju.

Za provođenje dijela konkursne procedure koja je propisana Pravilnikom o izboru, imenovanju i razrješenju direktora osnovnih škola Kantona Sarajevo („Službene novine Kantona Sarajevo br. 2/18, 32/18 i 30/19) naložena ovom odlukom odgovorna je v.d. direktorica Javne ustanove Osnovna škola „ŠIP“, sekretar škole i Komisija koja provodi proceduru koja prethodi proceduri izbora u skladu sa članom 3. Pravilnika o izboru, imenovanju i razrješenju direktora osnovnih škola Kantona Sarajevo („Službene novine Kantona Sarajevo br. 2/18, 32/18 i 30/19).

Na osnovu navedenog odlučeno je kao u dispozitivu.

**Pouka o pravnom lijeku:** Protiv ove odluke nije dopuštena žalba, ali se može pokrenuti upravni spor kod Kantonalnog suda u Sarajevu u roku od 30 (trideset) dana od dana donošenja ove odluke Školi.



**MINISTRICA**

**Naida Hota-Muminović**

Dostaviti:

1. Naslovu
2. A/a.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)